





*Poex: 1246*




2530



1869 11. 387

























*Frid. Zamell*

# TEDÆ CORELLIANÆ.

Elbingæ

Typis BODENHAUSINIS  
anno M. DC. XLVI.



Ad Typothetas Elbingenses.

**V**Alete vos BODENAUSIANI nominis  
Operæ ultimæ : neq; tamen hinc migrabitis.  
Eadem est CORELLIO facultas auspice,  
Durare cœptis & laborem pergere.  
Turbavit aliquid in familiâ mors heri:  
Nihil imminuit hæc facta permutatio.



PRÆSTANTISSIMO DOCTISSIMO<sup>q3</sup> IVVENI  
ACHATIO CORELLIO

III. Id. Jun. an. virg. part. M. DC. XLVI.  
thalamum ingressuro.

**S**I quid tenemur fœdere sanguinis,  
Prolemq3, seram jura parentium  
Devinciunt, legesq3, avorum  
Ad memores abeunt nepotes;

Necessitatum nomine postulo  
Corellianis munera nuptiis  
Hæc qvalia in votis amicis

Ingenui cumulant Poëta.

Dic Tu, mi Achat, quid Tibi primitus  
Optaris? Ah ne Vatribus insona.

Nos largiori splene nati

Omnibus Harpocraten tabernis

Loqui remoto fecimus indice.

Pones in Annæ tutius auribus,

Et conscie feres Dione

Sacra Cupidinibusq3 binis.

Te nocte primâ sidus amabile

Divæ potentis solvet atrocium

Metu, serenatoq3 Amores

Expedient Tua vota cælo.

Ad literatam pertinet indolem.

Manutianis præla laboribus

Vrgere. Vos exeste doctâ

Vos opicum genus Officinâ.

Cudunt Cyclopes fulmina rectius,

Est fabricandis ars sua puppibus:

Ac improbè credit profundo

Seq3 ratemq3 rudis magister.

Sprevistis



Sprevistis iras Æolia domus,  
 Vos navitarum provida natio,  
     Callensq; & astrorum meatus  
         In pelagi didicistis usus.  
 Nec est fovendis obvia vitibus,  
 Aut excitando dextera palmiti.  
     Ut niterentur in cacumen  
         Pomiferi sine fraude rami,  
 Subire cælo nec sine munere  
 Apti hortulani iussimus arborem.  
     Neq; insciens calo regendi  
         Flexit equum indomitum capistro.  
 Ruri colendo vixit idoneus,  
 Quisquis ferendi tempora noverat.  
     Quod spectat huc: Chalcographorum  
         Præsideant oculis periti.  
 Evant beati, qui bene pergerent  
 Notas per artes: ut studiis novis  
     Vidi feroces isse, vidi  
         Et misero cecidisse fato.  
 Præceps ruina est iustaq; talium,  
 Quales nitorem rebus & insitum  
     Decus manu impurâ recidunt  
         Principis aliud professi.  
 Succede, Achat: Te Bodenausii  
 Manes supremo fame destinant.  
     Exinde prodibunt tabellæ  
         Sumtu operâq; Corellianâ.  
 Iacent soluti multiplicos tips.  
 Committi amantes pollice sobrio.  
     Quæ caussa, qui rectum moretur  
         Fœmineus furor institutum,

Qvin



Quin finiamus prandia Phinei,  
 Scævasq; tandem nesciat alites  
 Ille ingeni humani apparatus,  
 Et temerata fides librorum?  
 Turpis Celeno certa papirinis  
 Fœdare sulcis nil sibi, barbaro  
 Quid non deinceps audet ungui,  
 Vsq; novâ subeunte noxâ?  
 Ad justa venit sacra Talassio,  
 O pulle Phæbi: Te Superi adserunt,  
 Sive elegans illud metallum,  
 Seu viduæ mediter decorem.  
 Maeste alma Clio: jam via panditur  
 Ad tersiores liquida codices.  
 Eliminatis ipse polchrum  
 Sphæmatibus statuam tropæum.  
 Me si quid umquam feceris arbitro,  
 Vocanda posthac Anna Corellias,  
 Sequuta nunc demum es Tibiq;  
 Vtile consilium Tuisq;  
 Arcana magnæ Pallados excute,  
 Tenta latebras & sacra Delii:  
 Idem est. Loqvutam crede per me  
 Esse deam tripodasq; Phæbi.  
 Vides ut omnis turba gregalium  
 Tuorum in artes missa Librarias  
 Applaudat, ut Patrum corona  
 Et Charitum Tibi gratuletur.  
 Ad Te revertor, crete Zameliâ  
 Parente: nostro est nam sata patruo.  
 Sape hoc pependi ab Argonautâ  
 Memnonium reserante tractum.

Præfectus



Præfectus æri sume loquaculo  
 Concessa rerum: nunc ruet Hesperus  
 Penso diurno, nunc sub umbrâ  
 Idalii repetentur horti.  
 Prudens laborem miscuit otio,  
 Cum nos in ævum mittere Conditor,  
 Vitæq; res negotiosæ  
 Mole suâ stabilire vellet.  
 Grati recessus & nemus hispidum,  
 Imæq; valles ac juga Naica  
 Nexæq; de mirto coronæ  
 Sæpe graves posuere curas.  
 Amœnitatis non ego rusticæ  
 Asper deorum præmia concino.  
 Hinc optimis vigor Poëtis,  
 Et pecori & pecorum magistris.  
 Silvas celebrat primus amantium  
 FAVOR. Lacenam cum Paris hospitem  
 Ductaret, Oenones agrestis  
 Membra prius thalamo levârat.  
 Regum receptus limine pusio  
 Minax sagittis, se tamen induit  
 Materna pervagatus arva  
 Divitiis nemorum virentum.  
 Huc incidisti, cum Tua collibus  
 Protenderetur semita Hiantiis,  
 Cum Te deæ loci novenæ  
 Imbuerent tenerâ Hippocrene.  
 Et nostra dignis Otia in aviis  
 Observat idem. Sit sine crimine  
 In antra Musarum introisse,  
 Insidias tamen ille nectit.

Callem




Callem terentes obsidet undiq;  
 Vultu laceffens illius illius  
     Nimfarum in altis ilicetis,  
     Quæ genus à patre sunt decorum.  
 Venis amator castus & integer.  
 Hac lege sanctum est nec violabile  
     Iugum duorum: hac dote vestrum  
     Exhilarate thorum Laremq;  
 Tardo Bootes sidere Phosphorum  
 Suspectat ortum: jam micat alba lux,  
     Siduntq; nocturnæ tenebræ  
     Sole diem referente primum.  
 Quod nuptiales concutitis faces?  
 Hic nutus Heræ: ponite lumina.  
     In symbolis satis repostum  
     Hactenus esse, profata Iuno est.  
 Desideratis, dixit, amoribus  
 Per me fruantur plusquam adamantinis  
     Ligata vinculis eundem  
     Corda simul subitura lectum.  
 Fores, Achatî, claude cubilium:  
 Vnius intrent agmina Cypridos:  
     Inq; osculis complexuumq;  
     Omnia pone vicissitate.  
 Pronum iuventus si luit impetum,  
 Heic nullus error: heic Tua messis est.  
     Nec vindices ab hoc duello  
     Horrueris homines deosq;  
 Vis adstruantur puncta Zamelii?  
 Dulces ô horæ currite currite,  
     Achatioq; transeuntes  
     Perpetuum renovate lusûs.




Ferri rigorem Iupiter arceat,  
Vltimaq; ab auro secula mutues  
Saturnio: nec in querellas  
Desinat uberior voluptas.  
Odi nocentem exscribere chartulam,  
Ac triste vita luminum & aurium.  
Nefas: in hoc felicitatis  
Est qua Tuae sita pars decoro.  
Tum praelo ab illo lecta volumina,  
Tum praelo ab isto mustea pignora,  
Et auspicata suavitatis  
Turgidulos videam racemos.  
Corellianis munera nuptiis  
Debere fassus q'ualia candidi  
Mittunt Poëta, si probavi  
Missa, favete novi mariti.

### In Marculum Bipanium.


**I**N circulis forensibus, tum in balneis,  
Convivisq; ubi delicatula adsident,  
Contendit unum hoc Marculus Bipanius:  
Nihil beatius esse vitâ calibe.  
Vt ista non discusserim anxie, tamen  
Ad Marculum quod attinet Bipanium.  
Qui conjugis desertor intra ganeas  
Ab ore quadrantariarum pascitur,  
Et improbus rimator omnium inguinis,  
Vel his patam merentibus projectior  
Promiscuâ furis omnium libidine,  
Ad hunc quid illa disputata pertinent?


































Biblioteka Jagiellońska

514700195523



